


**DE VERA VEL FALSA  
TRADITIONE HISTORICA  
REGULISQUE AD EAM  
INTERNOSCENDAM  
EXERCITATIO CRITICA...**

---

Luigi Brenna, Vitale : da S.#Dorotea  
frate





I. N IHIŁ nunc fieri frequentius videmus, præsertim ab iis, qui puerili ætate imbuti nonnullis opinionibus, cum ad multam ætatem adoleverunt, eas sibi evelli nulla ratione sinunt; quam ut argumentis omnibus, quæ contra fiunt, *Traditionem* scutum veluti quoddam opponunt: nec opponunt solum, sed eam urgere quam maxime solent, atque exclamare; Traditionem intactam servari, Traditionem everti non oportere; Adversarios vero suos *Sciolorum*, *Criticorum*, &, si superis placet, *Hereticorum* nomine traducunt. Atque hi quidem toti sunt in Traditionis vi, & auctoritate exaggeranda. An vero, ubi volunt vera extet Traditio, an sit illa potius populi rumor quidam, sit vulgi opinio Χρὴς ἡ πρώτη exorta; de hoc nihil omnino laborant. Atqui illud erat, de quo quærendum prudentibus doctisque hominibus videbatur. Nos de hoc argumento omnium, ut credimus, utilissimo, atque ad Historiam præcipue Ecclesiasticam necessario, quantum brevis exercitatio patitur, agemus.

II. Et primò, quod a nemine factum video, placet Traditionem in duo veluti genera partiri; quorum primum voces, & loquendi modum, alterum res ipsa complectatur. Extat enim Traditio quædam, quæ circa voces versatur, quas longus Ecclesiasticorum Scriptorum usus præscripsit, & veluti probam, signatamque monetam adhiberi, & quasi expendi in Theologico sermone iussit. Exemplum sit in voce λόγος ad secundam SS. Trinitatis Personam significandam. Displicuit vox illa Origeni, noluitque inter alias potissimum usurpari (*Comm. in Joann. tom.2. Origenian. pag. 19.*). Nihilominus est omnium Christianorum, atque Ecclesiæ usu consecrata, ut Græcam eam vocem Marius Victorinus Latinus scriptor retinere voluerit. Latinam *Servum* adhibuit Tertullianus, Cyprianus, Lactantius; multo vero frequen-

tiores alii *Verbum*, qui ita etiam legerunt apud Joannem; quos diligenter recensuit Sabatier. Quamvis ergo Erasmus *rectus*, & *aprius* Græcam vocem, *sermonis* voce exprimi, quam *Verbi* dicat, eamque reposuerit in altera editione N. T.; idque vulgo Heterodoxi faciant in Versione, vel Paraphrasi sua Junius, & Tremelius, Beza, Castellio, Hammondus &c. fuleque de ea disputet in *Onomatol. Messæ* Glasius; aliquam tamen hic traditionem agnoscimus, probamusque Petavium dicentem (*lib.6. de Trinit. cap.1. n.5.*) *Tametsi sermonis vocabulum ab nonnullis Patribus tributum sit Filio, hoc tamen tempore nonnisi temere, atque etiam ridicule anteponatur alteri, quod & multo usitatus est, & ex aliquot sæculis jam solum in Ecclesia retinetur, & ad significandam Filii personam longe est aprius.*

III. Præter solitarias voces eadem extat Traditio de nonnullis dicendi modis, imo similia quædam, sunt antiquitate ipsa præscripta ad Fidei Mysteria explicanda. Ut in eadem re consistamus, ad Filii processionem a Patre, & distinctionem Personæ, five unitatem Naturæ exponendam usi sunt veteres similitudine *Luminis de lumine*, quod non primùm Nicæna Fidei formula usurpavit, & Patres, quos Petavius protulit (*lib.5. cap.8*); sed inerat antiquioribus Fidei formulis, ut patet ex ea, quam Eusebius in Concilio Nicæno exhibuit apud Socratem (*lib.1. cap.8.*) affirmatque ea tradere, *quæ acceperat tunc, cum baptizatus est* ὅτε το λατὸν ἐλαμβάνομεν. Aliud exemplum veteres usurparunt *Verbi humani*. Cum vero duplex Verbum sit ἰδιαιτέρον, five *internum* quod mente concipimus, & *προφορικόν* *prolatum* a nobis; (quæ veteres etiam distinxere his nominibus, ut liquet ex Plutarcho in *lib. ὅτι μάστις*) plerique alterum hoc adhibere maluerunt, vel solum, vel cum altero conjunctum. Improbavit quidem hoc simile Irenæus (*lib.2. cap.28.*), eoque in rem suam usi Hæretici præsertim Samosatani apud Ephiphanium (*heres.65. n.3.*): sed valuit præscriptio Catholicorum illa; itaque postea etiam Augustinus sæpius eo usus est. Ita licet altera *Luminis* similitudine Hieracles abusus fuerit, ut ex Hilario cognoscimus (*lib.6. de Trinit. num.12.*), non propterea ab Ecclesia deserta est, imo in Symbolo consecrata. Contra accidisse videtur alteri simili ad explicandam unionem naturarum in Christo, videlicet *anime, & carnis*, quæ unum hominem efformant. Nam ante Eutychianam labem in Fidei ipsis formulis invenitur; postea vero vix apud alium occurrit, quam Vigilium Tapsensem, qui non breviter eam proponit, sed fusè eam explicat, atque defendit. Itaque nos antiquius Eutychiana hæresi auguramur esse Symbolum,

lum , quod Athanasii nomine circumfertur , ubi ea similitudo occurrit .

IV. Hæ voces , hi loquendi modi animadvertendi omnino sunt , quod in Myſteriis Fidei noſtræ explicandis , præſertim Trinitatis , & Incarnationis , iis maxime uti debeamus , quos Eccleſiaſticorum ſcriptorum , atque Eccleſiæ uſus nobis conſignavit ; ut non ſolum ea proponamus , quæ ab Eccleſia edoſti ſumus , ſed eo etiam modo , qui nobis eſt traditus . Sed ſunt , qui hic Platonifmum obtrudunt ; voluntque Patres , cum Platonis ſcholæ addiſci eſſent , Chriſtiana dogmata , Philoſophico , ideſt Platónico pallio obduxiffe , verbisque ſolemnibus Academiæ uti maluiſſe . Si de meris nominibus quæſtio eſſet , nec res tantæ , quantæ ſunt huiusmodi Catholica dogmata , explicarentur ; ſi hic ut diximus , ad rem ipſam nomina , & voces non pertinerent ; cavendi tantopere hi non eſſent , qui hoc obtrudunt , Sociniani præſertim homines . Sed ferendi non ſunt ; cum hac veluti machina traditionem , qua opprimuntur , declinare , ſive abolere curant . Non ii ſumus , qui Platonem adeo diſplicuiſſe Patribus velimus , ut contendit Baltus ; nec cum eo Philoſophiam omnes relegamus a veteribus Chriſtianis , & non Ecclēticam potius concedimus . Sed id omnino volumus , quod Myſteria Trinitatis , & Incarnationis pertinet , primò & rei ipſius , ſive dogmatis , & verborum præcipuorum , quibus proponenda ſunt , extare Traditionem ; ſecundò etſi in Platonis libris , quædam adumbratio videatur eſſe Myſterii Trinitatis ; eam tamen , ſi non alia omnino res eſt , ut nonnulli cenſent , ſaltem mancā eſſe , atque a Chriſtiana multum aberrantem ; quæ vero Platonici exactius poſtea protulerunt , eos , adultæ & propagatæ Chriſtianorum Religione , ex noſtris libris mutatos . Patres Antenicæni , qui non ita exactius loqui videntur , nequaquam a Platoniorum ſchola Verbi illam *προφορὰ* ad Mundi conditionem extulere . Bullus , quem reliqui ferme Theologi ſequi ſolent , non æternam Verbi generationem , ſed temporariam manifeſtationem externam eos intellexiſſe exiſtimavit . Clariffimi Ballerinii , Zenonem tantò poſt eadem repetentem , de Decreto loqui exiſtimarunt , quod Deus habuit de Mundo condendo . Nos , quibus poſtrema hæc interpretatio paulò ſubtilior , & longius accerſita videtur , primam Bulli explicationem ita ducimus temperandam , ut nonnihil hic habeat loci verborum præſcriptio de qua loquimur ; illa nimirum , quam ſacræ litteræ , cum de Sapientia , Verboque Dei loquerentur induxerunt *Prov. 8. 22. Eccleſ. 1. 24. Gen. 1. Joan. 1. &c.* Hoc modo defendimus Juſtinum , Athenagoram , Tatianum , Theophilum Antioche-

chenum , & Zenonem etiam Veronensem , asserimusque eos Ari-  
nis , sive etiam Socinianis nullo pacto favere .

V. Tranſeo ad res ipsas , de quibus extare Traditionem nemo  
Catholicorum negat : Traditionem vero hanc triplicem faciunt  
Divinam , Apostolicam , Ecclesiasticam . Nos hæc genera omnia  
omittimus , quæ sunt Theologorum sermonibus tria , nec ita pro-  
piis historiæ spectant . Aliam Traditionem quamdam , quam  
*Præm* vocavit , in historiæ inducendam esse , pugnavit Honoratus  
a S. Maria , gloriatus in ea , mirum quantum inesse subsidii ad  
difficiliores quæstiones enodandas , & historiæ Ecclesiasticæ sinus  
explicandos . Sed vereor ut tantum , quantum ipse voluit præsi-  
dii in ea reperiri possit : suspicor etiam illius , quam Traditionis  
nomine describit , nullum esse usum . Atque ille quidem ubi fuisse  
probare conatus est ( *toto primo tom.* ) imperfectam adhuc esse  
Criticæ artem , imo vitiosissimam , si principia spectentur ab ejus  
Magistris constituta ; quod ancipiti , incertoque fundamento nitantur :  
ubi etiam addidit errorum quamplurimorum originem a Cri-  
ticis ipsis esse repetendam , quod contraria sæpe respondeant , &  
idem probare modo , modo improbare videantur ; his incommo-  
dis omnibus Traditionibus istis suis mederi se posse putat . Ita-  
que reliquis operis sui partibus , & regulas discernendi veras a  
falsis traditionibus ponit , & exempla quædam , quibus regulas ex-  
plicet , producit . Nihil hic attinet ut de prima , aut postrema  
ejus operis parte dicam . Etsi , quod primam pertinet , diffiteri  
non possum , probare me nequaquam posse , quod tam sæpe , tam  
acriter summos homines traducat . Et similia quidem ipse facere  
videtur , atque is , qui in magnifica , regiaque domo aranearum  
telas , quæ in angulis deliteſcant ( nec vero fieri aliter in magna  
domo potest ) avide perveſtiget , inventisque gaudeat , & exultet .  
Ita in magno Tillemontii opere & ceterorum pugnam aliquam  
verborum , sive sententiarum aliquot invenire , non magnum fuit ;  
cum contra præclara , egregiaque esse quamplurima , omnes qui  
illud legerunt agnoscant , & fateantur . Quid ? quod cum in po-  
strema parte depromit ipse sua , atque ad exempla Traditionis  
producenda descendit , vel ea plerumque stabilit , quæ erant an-  
tea sapientiorum consensu aliis argumentis firmata , vel incerta ,  
ut erant , relinquit : ut hic valeat Terentianum illud in *Phorm.*  
*Act. 2. sc. 4. v. 19.*

..... *fecistis probe :*

*Incertior sum multo quam dudum :*

Interpres ejus latinus proferri aliquod exemplorum hujusmodi po-  
stulat . Ego unum proferam ex *lib. 5. dissert. 1. art. 3.* ubi con-  
tendit

tendit extare Traditionem antiquissimam de eo , quod sit Christus mortuus , cum annum ageret ætatis trigessimum ; concluditque productis 37. vel 38. Ecclesiasticis Scriptoribus , inveniri 24. aut 25. qui hoc *positive* dicant . Nam si eorum singuli examinentur , nulli ferme præter Origenem , Philastrium , Clementem Alexandrinum , & fortasse Africanum inveniuntur , qui hoc affirmant ; Qui quidem etiam ideo illud posuerunt , quod annum unum durasse Christi prædicationem arbitrati sunt , juxta Isaïæ illud : *Ut prædicarem annum placabilem Domino* . At Honoratus , sive imprudentia , sive ut hoc quoquo modo efficeret quod volebat , non id solitariè proposuit , sed duobus aliis conjunxit , de quibus ingens extat testium numerus ; obiisse nimirum Christum anno Tiberii xv. , & duobus Geminis Consulibus . Merito ergo aut hominis fidem , aut diligentiam desideres , nihilque effici ab eo putes .

VI. Ad *Pias* ipsas *Traditiones* venio , quas idem Auctor discernendas docet à falsis , sive vulgi erroribus . At quâ id ratione facit ? Primo regulam illam exagitat , qua ad expurgandam a fabulis historiam Ecclesiasticam Critici utuntur ; *Non esse admittendum factum historicum , quod ab Auctoribus ejusdem , aut ferme ejusdem temporis non confirmetur* . Deinde loco pronuntiati hujus suas ipse depromit regulas . Primo id queror ; invidiosè propositum illum Canonem . Confitetur ibidem ipse , atque alibi ( *tom.1. diff.2. p.2. art.5. p.229.* ) tempus illud , quod hic *idem* aut *ferme idem* dicitur , adducetos , aut etiam trecentos annos extendi . Ita profecto habet Tillemontius *in epist. ad Lamy* : *Si nullis rationibus confirmata prodantur , quæ ante annos ducentos , aut trecentos evenerunt , fidem ipsis derogamus , præsertim Græcis Scriptoribus , qui , ut Judei , ad excogitandas , & hauriendas fabulas mirifice facti sunt* (1) : ubi animadvertere licet de Græcis eum nominatim loqui , quod sint fabulis addicti . Secundò , addi etiam cautionem , si ea proferantur , quæ nullis sint rationibus confirmata . Simili pacto Mabillonius ( *de studiis monasticis part.2. cap.8.* ) *Cum neque auctores equales , nec alii unius , aut duorum seculorum intervallo bis succedentes de re aliqua loquuti sunt de qua recentior aliquis nullam ductus auctoritate testimonium dicit , nihil ipsis deferendum est* (2) . Ergo ipse quoque vult ut nulla ductus au-

## A 4

tori-

(1) Nous croyons ce que les Grecs , & les Romains nous disent des coutumes de leurs temps : mais s'ils nous parlent sans preuve de ce qui s'est fait , je ne dis pas mille ans mais deux , ou trois cents ans avant eux ; nous ne les croyons plus , sur tout les Grecs , faciles comme les Juifs à croire , & à scinder des fables.

(2) Quand il arrive , qu'il ni les Auteurs contemporains ni ceux , qui les ont suivis après un , ou deux siècles , n'ont point parlé d'un fait , & qu'un Auteur plus récent l'assure sans aucune autorité ; alors il n'y faut pas avoir égard : autrement ce seroit ouvrir la porte à toutes sortes d'erreurs & de faussetez .

floritate id auctor recentior dicat. De hac re fusius præ ceteris; qui de vi argumenti negativi differuit uberrime Launojus, quantumque id valeat ac sæpius a PP. & vetustis Scriptoribus usurpatum sit, quamplurimis adductis exemplis ostendit: sunt ergo illius hæc verba *tom. 2. part. 1. oper. pag. 43.*) *Cum nullus omnino Scriptor equalis vel suppar, nullum prorsus traditionis monumetum æquale, vel suppar alicui factò, quod memoria dignam fuit præstet testimonium, tunc ex eo silentio, quod ducentorum plus minus annorum estimari potest, efficax depromitur argumentum.* Idemque in *animadversione secunda* contra Thiersium queritur, illum dissimulasse quousque auctorum supparium ætatem extenderet. Ex eodem præterea haurias, quantopere hoc argumentum adhibuerint præter veteres, etiam recentiores prudentissimi viri, præsertim vero Baronius, apud quem certissimam regula est, qua injectas in historiarum Fabulas excindat: *Quod à recentiori auctore profertur, contemnitur.* Deinde hoc ab Honorato ipso peto: Cum pias traditiones inducere in historiam vult, quid *Traditionis* nomine intelligat? An quod voci huic subiectum esse debet, an quod omnino est alienum? Si Traditionem intelligit, id nimirum debet significari, quod constat ab antiquioribus per manus traditum, pervenisse ad recentiores; ergo testimonia extare debent, quibus efficiatur, non nunc primum, aut heri in ora hominum fuisse inductum. Nec vero is ego sum, ut omnino necessario illud requiri dicam ad quamcumque Traditionem, ut dimanationis ejus, sive propagationis testimonia scripta extent; præsertim cum nec Symboli, quod scripto olim non consignabatur, nec sacrorum librorum *identitatis* scripturæ testimonium requiri possit. Video & Irenæum Traditionis vindicem ex Episcoporum successione, Traditionis testimonium reperere *lib. 3. cap. 3.* Sed utcumque sit de Divinis, & Apostolicis traditionibus, in quibus ille universalis, & perpetuus consensus ita disertus, expressusque esse potuit, ut scripta testimonia non desiderarentur; in Historicis traditionibus id requiri omnino videtur; quò scilicet constet, ea per manus ab uno alteri fuisse tradita, & de aure in aurem per continuam narrationem, aut famam communem esse deposita: præferim cum inciderint aliquando tempora, sæculo nimirum VIII. & IX., in quibus fabulosæ quævis narrationes certatim ab hominibus profferrentur; sive eorum sæculorum vitio, idest ignorantia; sive quod, abjectis ab Iconoclastis sacris monumentis, ea instaurare quoquo pacto vellent. Si hoc est, jam ad Traditionem requiritur, ut vera sit, illa virorum eruditorum regula, ut antiquorum factorum antiqui sint testes: aliter quis discerni possit a populi rumore recens inducto, nunquam



probabis. Vidit, id opinor, Honoratus: itaque hujusmodi testimoniis contentus est, quæ in Breviariis, & Martyrologiis reperiuntur. Si de antiquissimis rebus sermo sit, non satis esse hoc testimonium & adducta argumenta, & plurima exempla probant. Proferam unum, Eusebii Cæsariensis sanctitatis. Nam in Martyrologio Usuardi *ad diem 21. Junii* legitur; *Civitate Cæsariæ Palestine S. Eusebii Episcopi, & confessoris viri, excellentissimi ingenii, & Historiographi*. Ita legi in antiquissimo Hieronymiano Epternacenſi ultro omnes admittunt, ut admonuit Sollerius *ad Usuardum*; immo in aliis Hieronymianis, hunc esse intelligendum Eusebium, idem docet, addens; *extra controversiam esse, totis septem, & amplius seculis saltem ex quo Usuardi Martyrologium in Ecclesia Occidentali ubique receptum est, Eusebii illius cum sanctis reliquis memoriam in sacris fastis celebratam*. Si ergo Traditionis idonei testes sunt Martirologia, traditio extabit de Eusebii Sanctitate, cultuque in Ecclesia Catholica. Ego virum doctum complector, a quacumque etiam Arianismi labe historiam ejus Ecclesiasticam assero esse immunem; cultum tamen ab Ecclesia catholica credere nolo; nec opinor credent antiquitatis Ecclesiasticæ non omnino ignari. At enim regulæ sunt ab Honorato positæ quibus falsæ Traditiones istæ discernantur a veris. *Ut usus & facta historica, que proponuntur, inquit, nihil præferant vanum superstitiosum, inutile; ut nihil narrent indecorum, videndum, improbabile, nihil etiam contineant adversus usum, & tempora, neque a virorum dignitate, & persona aliena; Ut que contra objici possunt elidi solide possint*. Sunt hæc quidem ab Honorato regulæ propoſitæ; sed quæ, si verum dicendum est, *principium*, ut ajunt, *petere* omnino videntur. Nam id ipsum quæro; An probabile illud sit, an vero sit fabulosum; an tale extet testimonium, ut eo confusus contradicere abnuentibus possim &c. Præterea, quam sunt hominum diversa ingenia, ut id aliis fabulosum videatur, improbabile, aperte incredibile; pro quo alii jusjurandum suum, si opus est, interponent. Id ergo quærimus, quo suadeamur rei veritatem omnibus, nec rem eorum mero judicio aut estimationi committamus.

VII. Nos ergo primo Traditionem admittimus, atque in ea duo præcipue consideranda esse dicimus. Primò Traditionis hujus originem; deinde ejus ad nostram usque tempora deductionem. Originem quod spectat; si aut constet, aut colligi argumentando possit, ex errore quodam esse ortam, quem continuò homines altè imbiberint, & propagarint; non Traditionis, sed rumoris alicujus popularis loco deputandum totum illud erit. Horum errorum fon-

tes aliquos, *Exercitatione altera Critica* aperuimus; ut cum symbolica monumenta habita sunt pro hystoricis; cum non satis intellecta phrasis emphatica historiolum cudit&c. Huc etiam fortasse pertinet opinionis fons de anno Christi ortus, quem in vulgare suppotationem sive Dionysius exiguus, sive Panodorus induxit. Orta ea videtur primò, quod Christum annos triginta tres vixisse supputatores illi existimant, deinde quod Christum eo anno mortuum existimantes, quo cum Plenilunio Feria vi. concurrebat id anno 33. contigisse viderunt, nunquam vero multis ante illum annis. Atque hoc alterum de *vero & Astronomico* plenilunio quam fit fallax argumentum, jampridem viri docti animadvertunt. Sed uberiora exempla Martyrologia subministrant. Hanc eorum esse veluti progeniem quandam, ut ex Adone Ufuardus, atque ab his ceteri sua eorum desumpserint; Ado vero ex Romano *Parvo* quod vocant; Romanum *Parvum* ex historia Rufini; observavit, docuitque Sollerius diligenter. Quidquid ergo Rufinus peccat, late in ceteros quoque dimanavit. Præter Rufinum si qua antiqua Martyrum Acta ad Martyrologorum manus pervenerunt, iis sunt illi usi; præsertim Ado, & Ufuardus. Verum in expendendis monumentis illis non nimium fuere morosi, & quidquid vitii illa habebant, imprudentes admiscere. Id sæpius animadvertit laudatus Sollerius, ut de S. Andeolo loquens *ad diem primum Maii*; *Elogium*, ait, *ipsi contexit Ado ex vulgatis Actis tunc receptis, in quibus examinandis nequiquam scrupulosus ea in fastos sacros retulit, que admitti omnino non possint. Acta ipsa nec vetustissima esse, nec plane sincera, satis agnovit Henschenius &c.* Ad diem quoque 16. *Menſis ejusd.* adnotavit, Sancti Torpetis *Elogium* ex Actis suspectis fuisse excerptum; atque idem *ad diem 20. de S. Basilæ Elogio*; *Sumpta sunt que hic narrantur ex famosis Actis, vel potius ex pio drammate nescio quo pridem exornato in honorem S. Eugenie.* Die vero *tertia Junii* Henschenii verbis utens, Erasmi *elogio* ait, præluxisse haud dubie Acta illa, quæ vulgò in legendis circumferri solent, non sine *iusta suspitione gratuita fictionis*. Si ergo constet, aut satis probabili ratione appareat, vitiosam esse originem; inter veras Traditiones connumerari illa non potest. Quo quidem loco & illud animadvertendum est, eò cautius rem gerere oportere, quò res fuerit antiquior, & vestigium non conspicatur nisi post octavum sæculum, quando fabellis multo liberior adytus factus est.

VIII. Preter Originem *Deductio* Traditionis ad ætatem nostram consideranda est, quæ quidem debet esse hujusmodi, ut ejus cursus numquam interruptus appareat. Interrumpitur, vero, non

solum

solum, famâ illâ extinctâ, silentibusque omnibus; sed multo magis, si adversus eam Scriptores excitentur, eique vehementer contradicant. Requiritur præterea, ut, si res magna sit maximèque notabilis, non unius tantum, aut populi aut regionis testis extiterit, sed in alios quoque fama dimanavit. Denique ut ita non unius loci, non unius temporis homines testimonium perhibuerit, ut unus ab alio mutuatus esse, nihil de veritate cogitans, nihil advertens, dici non possit. Priora illa duo ex Traditionis natura ipsa, sponte fluunt. Si de historica Traditione loquamur, cum fontem ejus incorruptum esse (ut in divinis Apostolicis atque Ecclesiasticis Traditionibus evenit) non liqueat; ut consensus ille hominum auctoritatem, quam debet obtineat & rem conficiat, requiritur omnino hoc tertium, quod merito sæpius videas desiderari. Diximus superius de Adone Ufuardo ceterisque Martyrologis. Atqui illud in confesso est, ab Ufuardo Adonem exscribi, utrumque vero ferme ab Notkero. Itaque illud sæpe diligens eorum examinatore, & peritus Judex Sollierius admonet *Ufuardus & Notkerus ex Adonè verbum de verbo plane reddiderunt (ad diem 7. Jan.): Ab Adone positus iisdem ipsis verbis, quæ ex eo Ufuardus, & Notkerus descripsere (ad diem 31. Jan.): Jam vero Ufuardum hic rursus ex Adone sua fere omnia desumpsisse manifesto intelliges si utriusque verba præfatis diebus inter se contuleris &c. Notkerus ipsissima Adonis verba hoc die ad apicem, refert ... Laudatiunculum, quam ei Ado concinnavit noster descripsit &c. Noster sua omnia ex Adone desumpsit (ad diem 6. Feb. 10. 24.)*. Quod millies postea repetit. Bene ergo idem Sollierius *ad diem 4. Maii* animadvertens, quæ Ado, & Ufuardus de Santo Quiriaco dixere, ex Actis desumpsisse, atque ex his ceteros; scribit: *antiqua Acta redolent, quibus tot Martyrologorum auctoritas non plus fidei addidit, quam primus eorum compilator mereatur.*

IX. Quod hoc postremo loco diximus tanti est, ut regulæ sive indicia merito exposci possent videantur, quibus id ipsum agnoscamus; alios ab aliis nullo prævio examine fuisse exscriptos. Sit ergo *Primum*; Si vel auctor sit hoc ingenio ut alios magis describere, & doctores veluti suos sequi, quam pendere, & scrutari malit. Hujusmodi esse Chronicorum Scriptores, qui in antiquis rebus Eusebium sæpe describunt, ab aliis animadversum est. Itaque iisdem vestigiis insistentes fallunt alios sæpe, & turpiter ipsi prolabantur: ut Marcellinum non distinguentes a Marcello; quod non modo Eusebii interpret Hieronymus facit, sed Prosper, & alii nonnulli. Turpes hujusmodi lapsus in Ufuardo, Sollierius aliique notarunt: cum scilicet Adonem transcriberet, Adonis labem

ipse quoque contraxit. Ita ( *ad diem 24. Maii* ) cum a Romano parvo aliqui adscriberentur *Istriae*, qui *Syriae* erant addicendi; idem fecit Ado, *Quem*, inquit Hefchenius, *de more nullo prævio examine sequuti sunt Ufuardus, & Norckerus*: dolendumque est, ut idem Vir doctus adnotavit, in Romanum hodiernum Martyrologium promanasse eum errorem, correctum olim a Florentinio, & Henschenio; minus enim de Ufuardo mirandum est, qui, eodem teste, *etiam fallentibus ductoris sui vestigiis insistere assuevit*. Ita etiam ( *ad diem 2. Febr.* ) quidquid de Centurione Cornelio in Adone Ufuardus reppererat, *Exinde desumpsit servata circumstantia baptismi a Petro Apostolo collati, quæ in rigore verborum textui sacro non videtur conformis*, inquit idem Sollerius. Idem *Casarism in Lycia* ( *ad diem 5. April.* ) ex Adone posuit, & ( *die 12.* ) de Julio Papa, *de exilio, & tribulationibus illa*, quæ a Baronio, & eruditissimis omnibus, teste læpium laudato Sollerio, meritis reprobata sunt. *Die Maii 7.* Ado cum Flavio, & Sociis Fratrum titulum addidisset, *Ufuardus in huiusmodi rebus minus scrupulosus Adonem simpliciter descripsit*. Sexcenta sunt his similia: atque eò quidem Martyrologia libentius commemoro, quod his fundatam traditionem arctius, ut dixi, amplectatur Honoratus. Alterum est indicium, Scriptorem aliquem, alium hoc modo describere; si errata ipsius etiam notabiliora describat. Nihil necesse est afferre exempla cum modo nonnulla attulerimus: sed insigne omnino est, & hoc loco commemorandum, quod Ufuardus ( *ad diem 29. Junii* ) posuit Apostolorum mortem *Tusco & Basso Consulibus*, id est anno 239. ex Adone nimirum, qui idem habet, & cum Nerone conjungit. Denique *postremum* indicium facimus, cum ea etiam describuntur, quæ licet vitiosa hoc pacto non sint, descriptoris tamen temporibus minime conveniunt. Lepidum omnino est, quod evenit in narratione Inscriptionis effossæ in Insula Tyberina Semonis Sangi a 1583., unde suspecta esse cœpit nonnullis viris doctis Justini narratio de statua olim erecta Simoni Mago. Nam Blasius Vigenierius illud referens *non ita pridem* detectam eam inscriptionem affirmat. Henricus Valesius *non ita dudum* hoc factum ait. Valesium excusant Pagius & Kortholt. Du Mezil a 1732. in *Præf. de Doctr. & Disc. Eccl.* eandem instituens narrationem *non ita pridem* id evenisse ipse etiam asserit: atque ita phrasis illa *non ita pridem* spatium centum quinquaginta annorum perduravit; nec dubitandum est, adhuc amplius superfuturam. Exemplum simile ali-quod reperire licet in antiquis. Nam Damascenus ( *in lib. de Hæresibus* her. 75. ) de Aërianis id habet; *Aërius iste & Ponto oriundus hodieque magno hominum dispendio in vivis superstes est* ἐν δὲ

δεῦρο περὶ αὐτῶν ἐστὶν ὁ τοῦ βίβ. Atqui notum est Aërium sæculo iv. labente vixisse. Sed nimirum Damascenus Anacephaleosim Epiphanii, ut in libris ejus jacebat, transcripsit, adiecta solum viginti, seu vigintiquatuor posteriorum sæclarum enarratione. Hanc dicimus Traditionis deductionem.

X. Verùm in ea, hoc maxime quærendum videtur, quorsum ea progredi debeat, & præcipue unde hic quasi cursus repetendus sit, ut vera Traditio esse possit. Ego quidem sic existimo, oportere aut antiquissimos vere nunc extare testes, aut *presumptos*. Præsumptos dicimus, qui licet nunc non extent, tamen extitisse olim augurari possumus, atque ex iis posteriores Scriptores sua hausisse. Antiquissimos vero appellamus, qui nondum memoria extinctæ ab iis qui videntur, aut videntes audierunt rescire potuerunt. In quo quidem accedimus eorum sententiæ, qui duobus vel tribus sæculis propiorem esse oportere qui testimonium perhibeat censuerunt. Hos veros esse testes Traditionis dicimus. Sed alii sunt testes, quos appellabamus *presumptos*. In tanto enim veterum monumentorum naufragio inique omnino ageretur cum Historia, si in veris testibus exigendis severiores essemus. Sed hic scilicet labor, hoc opus est, ut præsumptos istos internoscere possimus. *Primo* requiri illud videtur ut in antiquis, qui extant, Scriptoribus nihil reperiat, quod his ex adverso opponatur. Necessè est enim, ut nulla tunc hujusce rei testimonia extiterint, vel evenisse illud, ut se mutuò eliderent. *Secundo* si paulo recentiores Scriptores ita sua proferant, ut in rei veluti summa convenientes, varient in adjunctis: hoc enim argumento esse videtur, alia extitisse testimonia, eaque plura, & diversa ex quibus quæ narrat hauriant. De Simonis Magi statua Justinus, Irenæus, & ceteri Greci narrat; narrat etiam Augustinus. Sed habet hic aliquid, quod apud illos non invenitur, nimirum Helenæ quoque statuam fuisse erectam.

XI. Verùm hoc loco cavendum est, ne diversa adjuncta esse existimemus, cum aliquid præcise tacetur: est enim usitatum veteribus, ut antiquiorum, sive verba, sive sententias allegantes, nonnulla prætereant, neque omissionis hujusce indicium præbeant. Licet id videre in Athanasio cum in *Apologia contra Arianos* Synodicam Sardicensem recitat. Ait enim: *Cum Eusebiani Julio Confacerdoti nostro scripsissent contra Athanasium, Marcellum, & Asclepam &c.* At Theodoretus eandem epistolam recitans, qui Julio scripserint nominatim appellatos a Synodica Sardicensi inducit Eusebium, Marium, Theodorum, Diognitum, Ursacium, & Valentem. Eundem Athanasium proponentem alia monumenta prætermittere nonnumquam nomina Provinciarum, quod parvi referant

rant ad rem de qua ageretur, adnotatum, est a viris doctis. Itaque ut argui tuto possit, monumenta quibus Scriptores utuntur fuisse diversa, necesse est vel non meram omissionem fuisse; vel id fuisse præteritum, quod modo videatur omitti omnino non debuisse, ut illud de Helena, quod dicebamus. Cavendum est etiam ne adjunctum diversum haustum ex aliis monumentis videatur, quod ex mala aliqua interpretatione ortum est. Tale est, meo iudicio, quod Philastrius unus omnino veterum de Paulo Samosateno prodidit, circumcisionem eum docuisse. Hoc aio ex mala interpretatione totum esse enatum; quod nimirum veteres Paulum iudaizasse scripserint. Sed nihil illi volebant aliud, nisi Samosatenum existimasse, Christum esse merum hominem, ut Judæi eum crederent. Atque hinc Epiphanius, qui *heres. 65. num. 2.* negat Pauli sectatores, *Circumcisionem adhibere, aut Sabbatum, aliosque Judæorum ritus observare*, habet eodem loco: *Isti Judaicam opinionem interpolantes alteri Judæi nominandi sunt ... Nam cum Deum ex Deo Unigenamque Filium, ac Verbum abnegent, ejusmodi sunt, quales ii fuerunt, qui presentem illum ejuravunt.* Ita sæpius alii Patres hæreses, quæ Christi divinitatem negant, Judaïsmum appellant. Facit id Athanasius de Synod. t. 1. pag. 740. in Marcelli hæresi enarranda *Hujusmodi sunt sectatores Marcelli, & Scotini Ancyrogalatæ, qui Christi ante secula existentiam & divinitatem, ejusque perpetuum regnum cum Judæis insciantur.* Faciunt in Arianis Nazianzenus & Cyrillus. Primus (*orat. 25. p. 441.*) ubi multarum hæresum catalogum textit, nominat, *Arii, & eorum, qui Ario subsunt naturarum diversitatem, ac novum Judaïsmum, sola videlicet ingenito divinitatem circumscribentis;* Cyrillus vero Alexandrinus (*in Joan. cap. 3. tom. 4. p. 19.*) *Judaicam Arii impietatem* τὴν Ἀρίου δυσσεβείαν Ἰουδαίαν appellat. Epiphanius *her. 71.* quæ est de Photino n. 4. *Verum nisi Dei sit filius, inanis est illius labor, inane & animi propositum, vana denique spes omnis & cogitatio: nihil enim amplius excellentiusque de Christo proficitur, quam Judæi ipsi, qui eundem abnegavunt.* Quamquam quod primo loco Athanasium appellavi, non ipse quidem hoc facit, sed formulæ illius conditores. Athanasium enim nunquam Marcellum Ancyranum pro hæretico habuisse putamus; nec vero esse habendum, sed recte de Fide sensisse semper, etsi novitatem aliquam in verbis sectatus sit, & a verborum Traditione illa defecerit.

XII: Denique *Quarto* alia videntur extitisse antiqua monumenta, si unum aliquod omnes amplectuntur, etsi eorum decretis, & quæ alibi statuerunt, repugnare videatur: itaque in iis concilian-

liandis toti sunt, plurimumque adlaborant : Illustre hujusce rei exemplum esse videtur annus Christi mortis ; quem plerique Patres statuunt esse duobus Geminis Consulibus, idest anno ære vulgaris 29. ( clarissimi enim Blanchinii singularem opinionem nihil immoramur ) : atque hic est Tiberii annus ab Augusti morte xv. mirum ergo accidit plerosque vetustissimos doctissimosque Patres eum Dominicæ morti annum deputare, qui Evangelicæ auctoritati repugnare omnino videtur. Etenim anno Tyberii xv. eundem baptizatum, atque initium dedisse prædicationi, Lucas testatur. Neque hoc illi ignorabant; imo vero eorum aliqui, aut eadem ipsa verba Evangelii recitant, cum hoc asserunt, ut Clemens Alexandrinus; aut utrumque characterem Consulatus Geminorum & Tyberiani imperii conjungunt, ut Tertullianus, Lactantius, Prosper. Itaque videas, hanc de anno emortuali sub Geminorum Consulatu, rem veluti certam testatamque ponentes, in eo laborare vehementer, ut sententiam hanc, cum Evangelii verbis concilient, atque illuc descendere, ut dicant, Christum prædicasse annum unum, ita ut potuerit ad baptismum venire anno Tyberii xv., atque eodem ipso anno oppetere mortem. In cujus rei fidem testimonium aliquod querentes, Isaïæ locum illum, de quo supra dicebamus, allegant. Facit hoc Clemens Alexandrinus *lib.1. Stromatum*, hoc Tertullianus, hoc Africanus, hoc Gaudentius Brixianus; denique Petavio teste *lib.12. doctrinæ temp. cap.17. Neque paucorum, neque Plebejorum Scriptorum fuit hæc sententia, sed doctrina, & auctoritate præstantium & sane vetustissimorum*. Quam sit hoc durum, quamque Evangelio ipsi repugnans, nemo non videt. Neque illi opinor non aliquid videbant; sed necessitate coactos se aliud facere non posse existimabant. Quid illud erat? quod nimirum certissima haberent monumenta, quibus annus Christi emortualis Consulatu duorum Geminorum consignabatur. Qui loca illa Patrum solerter consideret; qui animadverterit, de Christo Salvatore nostro judicium fuisse olim institutum, & Romani Præsidis sententiam etsi injustam, legitima tamen & solemnī forma pronunciata, ut consoci Acta, totumque referri in tabulas addita temporis nota debuerit, mecum omnino sentiet, & ex his ipsis Patrum locis de antiquioribus monumentis conjectare licere existimabit.

F I N I S.

I M P R I M A T U R ,

Si videbitur Reverendissimo Patri Magistro Sacri Palatii Apostolici .

*F.M. de Rubeis Patriarcha  
Constantinop. Vicesg.*



I M P R I M A T U R .

Fr. Vincentius Elena Ordinis Prædicatorum , Reverendissimi Patris Sacri Palatii Apostolici Magistri Socius.

